



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Joannis Maurittii Gudeni Historia Erfurtensis Ab Vrbe Condita Ad Reductam**

**Gudenus, Johann Moritz von**

**Erfurti, 1675**

Ad Lectorem.

**urn:nbn:de:hbz:466:1-11903**



*Ad Lectorem*

**H**Æc cecini primâ quondam lanugine malas  
Pictus (pauca dedit carmina cura recens)  
Nocte quoque æternâ latuisset opus, sineres Tu  
Docte Erfurtinæ Conditor Historiæ.  
Ad famam properare olim fors damna dedisset,  
Et mora nonnihil hæc utilitatis habet.  
Annis pressa novem laudantur carmina Flacco,  
Hoc mea teste igitur carmina nunc bona sunt.

*In Cerevisiam Urbis, quæ Patria est Poetæ H. B. J. U. D. cujus meo  
minie Author Historiæ Erfordiensis pag. 153.*

**N**ata almæ Cereris, non cui dotalibus umbris  
Excusat raptor vim modo Tænareus,  
Verum quàm patriis quisquis fuit ille Deorum,  
Propitio advexit Numine limitibus  
Sic robur, bona diva, tuum neque Naides udæ  
Frangant, nec reducem guttur agreste vomat,  
Copia sed flavam fundat tibi larga Parentem,  
Debeat & sanam plurima turba cutem:  
Ut tua cornigero colimus mage Numina Baccho,  
Nec non qui medicam jactat Apollo manum.  
Diva potens Ganymedeis dignissima curis,  
Quamq; immortalis Jupiter ore bibat,  
Tu quoties Liber peregrinis læserat oris,  
Auxilium, præsens Tu mihi Numen eras.  
Per Te splen risus, & dudum oblita recepit  
Gaudia, deseruit noxia flamma jecur.  
Abscessit, melius bibulo arens littore, arena  
Renibus, & pulsa est nausea ventriculo.  
Sæpe Tibi fuit hic servatus gloria vates,  
Debita ab hoc aris multa tabella tuis.  
Indevota igitur si plebs Tua numina spernat,  
Es meritò nobis & Dea semper eris.

*Aliud.*